

# Nalog Supervizora o nametanju Zakona o obrazovanju u osnovnim i srednjim školama Brčko Distrikta Bosne i Hercegovine

**U skladu sa** članovima 11, 37 i 39 Konačne odluke za Brčko od 5. marta 1999. god. i stavom 5 Aneksa Konačne odluke od 18. avgusta 1999. god. koji supervizoru daju ovlaštenje da uskladi zakonodavstvo entiteta u oblasti Distrikta;

**Unapređujući** stav 11 Aneksa Konačne odluke od 18. avgusta 1999. god. koji nalaže supervizoru da integrira sistem obrazovanja u Distriktu;

**Imajući u vidu** konsultacije sa entitetima vođene po pitanju integracije sistema obrazovanja u Brčko Distriktu, uključujući konsultacije obavljene u Sarajevu 5. juna 2001. god. i Banjaluci 15. maja 2001. god;

**Shvatajući** važnost uspostavljanja integrisanog multietničkog sistema obrazovanja za budućnost i interese stanovništva Brčko Distrikta;

**Zbog** neuspjeha Skupštine Brčko Distrikta da usvoji Zakon o obrazovanju u osnovnim i srednjim školama Brčko Distrikta Bosne i Hercegovine na sjednici održanoj 27. juna 2001. god.,

Ovim nalažem da:

1. Zakon o obrazovanju u osnovnim i srednjim školama Brčko Distrikta Bosne i Hercegovine, koji slijedi, stupa na snagu na dan izdavanja ovog Naloga. Skupština Brčko Distrikta može ubuduće ovaj Zakon mijenjati u skladu sa

postupkom definiranim u Statutu Brčko Distrikta Bosne i Hercegovine i Poslovniku Skupštine Distrikta.

2. Vlada Brčko Distrikta Bosne i Hercegovine obezbijedi da se svi propisi Brčko Distrikta u potpunosti usklade sa Zakonom o obrazovanju u osnovnim i srednjim školama Brčko Distrikta Bosne i Hercegovine.
3. Nastavni plan i program entiteta neće se više primjenjivati u školama koje se finansiraju iz budžeta Brčko Distrikta. U Brčko Distriktu će se primjenjivati usklađeni nastavni plan i program koji su napravili Odbor za kvalitetno osnovno obrazovanje i Kolegijum za obrazovanje u srednjim školama, a koji se može mijenjati u skladu sa članom 112 Zakona o obrazovanju u osnovnim i srednjim školama Brčko Distrikta Bosne i Hercegovine.
4. Ovaj Nalog će biti objavljen u Službenom glasniku Brčko Distrikta Bosne i Hercegovine.

Henry L. Clarke  
Zamjenik visokog predstavnika  
Supervizor za Brčko